



Bosnia and Herzegovina
Federation of Bosnia and Herzegovina

CANTON SARAJEVO
Ministry of Traffic
Road Directorate

Broj: 04-11-13591/20

Sarajevo, 13.08.2020. godine

Na osnovu člana 64. stav 1. tačka b), člana 70. i člana 72. stav (3) tačka a) Zakona o javnim nabavkama („Sl. glasnik BiH“, broj 39/14), Direktor Direkcije za puteve Kantona Sarajevo donosi

ODLUKU

o izboru najpovoljnijeg ponuđača
za „Izvođenje radova na projektu rehabilitacije saobraćajnice Hrasnička cesta“

I.

Odluka o izboru najpovoljnijeg ponuđača za „Izvođenje radova na projektu rehabilitacije saobraćajnice Hrasnička cesta“, broj: 04-11-13591/20 od 14.07.2020. godine, se stavlja van snage.

II.

Ugovor za javnu nabavku „Izvođenje radova na projektu rehabilitacije saobraćajnice Hrasnička cesta“ dodjeljuje se ponuđaču **DEMUS d.o.o. Sarajevo i „GP Ing“ d.o.o. Sarajevo (konzorcij)**, ponuda broj: 04-11-22677 od 30.06.2020. godine, za ponudenu cijenu od **1.348.412,09 KM** bez PDV-a, kao najbolje ocijenjenom.

III.

Prijedlog okvirnog sporazuma o nabavci dostavit će se na potpis izabranom ponuđaču po proteku roka od 15 dana, računajući od dana kada su svi ponuđači obaviješteni o izboru najpovoljnije ponude.

IV.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

OBRASLOŽENJE

Postupak javne nabavke pokrenut je Odlukom o pokretanju postupka javne nabavke broj: 04-11-13591/20 od 22.05.2020. godine.

Javna nabavka je provedena otvorenim postupkom.

Procijenjena vrijednost javne nabavke je 1.609.448,20 KM bez PDV-a.

Obavještenje o nabavci broj: 201-1-3-19-3-40/20 objavljeno je na Portalu javnih nabavki dana 26.05.2020. godine.

Komisija za javnu nabavku imenovana je Odlukom o imenovanju Komisije za javnu nabavku broj: 04-11-13591/20 od dana 22.05.2020. godine.

Komisija za javnu nabavku je sačinila Zapisnik o otvaranju ponuda broj: 04-11-13591/20 od dana 30.06.2020. godine, Zapisnik o ocjeni ponuda broj: 04-11-13591/20 od dana 13.07.2020. godine, a koji zapisnik sadrži preporuku ugovornom organu.

Komisija za javnu nabavku je blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike u kojima je utvrđeno sljedeće:

- Da je ukupan broj pristiglih ponuda 5 (pet);
- Da je blagovremeno zaprimljeno 5 (pet) ponuda;
- Da nijedna ponuda nije neblagovremeno zaprimljena;
- **Da su ponude ponuđača: Konzorcij: “Demus” d.o.o. Sarajevo i “GP Ing” d.o.o. Sarajevo, “Bosman” d.o.o. Sarajevo, “Mevludin- Commerc” d.o.o. Sarajevo, Konzorcij: “Braća Mujić export- import” d.o.o. Sarajevo i “Beton Fresh“ d.o.o. Sarajevo prihvatljive;**
- **Da ponuda ponuđača „Grakop“ d.o.o. Kiseljak nije prihvatljiva.**

Naziv / ime ponuđača	GRAKOP d.o.o. Kiseljak
Broj pod kojim je ponuda zavedena	04-11-22679
RAZLOZI ZA ODBIJANJE/ODBACIVANJE PONUDE	
<p>Ponuda ponuđača “GRAKOP” d.o.o. je jednoglasno odbačena od strane Komisije za javne nabavke iz sljedećeg razloga :</p> <p>Ponuđač je u svojoj izjavi o raspolaganju osobljem (aneks X tenderske dokumentacije), na stranicama 39. i 40. svoje ponude, imenovao lice Edin Mazić, sa radnim iskustvom od 5 godina, za “vod. geod. poslova”.</p> <p>Ponuđač nije u svojoj ponudi dostavio dokaze kojima dokazuje radno iskustvo imenovanog, u skladu sa tačkom 5.4.2 tenderske dokumentacije.</p> <p>Tačkom 5.4.2 tenderske dokumentacije je definisano: “Potvrdu o radnom iskustvu radnika izdaje poslodavac kod kojeg je radnik stekao iskustvo na radu. Ponuđač/pravno lice ne može dati izjavu da je radnik koji je trenutno zaposlen kod njega stekao iskustvo kod nekog drugog poslodavca.</p> <p>Potvrda o radnom iskustvu mora sadržavati podatak o periodu u kojem je imenovani uposlenik radno angažovan kod poslodavca (period rada), kao i naznaku poslova/radnog mjesta koje obavlja imenovani uposlenik. Potvrda se dostavlja u originalu ili ovjerenoj kopiji. Ponuđač može <u>umjesto potvrde o radnom iskustvu</u>, dostaviti <u>potvrdu/uvjerenje nadležnog tijela</u> (npr. potvrda PIO ili potvrda/lista osiguranih lica porezne uprave), pri čemu iz iste moraju biti vidljivi podaci koji se traže i u potvrdi o radnom iskustvu.“</p> <p>Ponuđač je na stranici 55. ponude dostavio Uvjerenje izdato od Porezne ispostave Fojnica, iz kojeg nije vidljiva naznaka poslova/radnog mjesta koje je obavljao imenovani.</p> <p>Ponuđač je na stranici 56. ponude dostavio Potvrdu/Izjavu o radnom iskustvu /stažu, potpisanu od strane Edina Mazića, a ne od strane poslodavca kod kojeg je radnik stekao iskustvo na radu.</p> <p>Uzimajući u obzir gore navedeno, ponuđač nije dostavio ponudu koja ispunjava uslove tražene tenderskom dokumentacijom.</p>	

U postupku donošenja ove odluke, posebno su cijenjene činjenice da je Komisija za javnu nabavku pravilno i potpuno izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima tenderske dokumentacije.

Iz Zapisnika o ocjeni ponuda, broj: 04-11-13591/20 od dana 13.07.2020. godine, je vidljivo da je u ponudi ponuđača „Bosman“ d.o.o. Sarajevo uočena računska greška, da je od ponuđača pismenim putem zatraženo da se očituje da li prihvata ispravku računске greške te da je isti svojim dopisom, broj: 359/20 od dana 07.07.2020. godine, blagovremeno pismenim putem obavijestio ugovorni organ o prihvatanju ispravke računске greške.

U postupku je donesena Odluka o izboru najpovoljnijeg ponuđača za „Izvođenje radova na projektu rehabilitacije saobraćajnice Hrasnička cesta“, broj: 04-11-13591/20 od 14.07.2020. godine, i ista je dostavljena svim ponuđačima. U skladu sa navedenom Odlukom, je izabrani ponuđač pozvan da u roku od 3 (tri) dana dostavi originale ili ovjerene kopije dokaza u vezi člana 45. Zakona o javnim nabavkama, kao i pravni akt o udruživanju u grupu ponuđača u skladu sa uslovima iz tenderske dokumentacije. Kako je izabrani ponuđač propustio da u navedenom roku dostavi tražene dokaze, to je ugovorni organ u skladu sa članom 72. stav (3) tačka a) Zakona o javnim nabavkama prihvatio preporuku iz Zapisnika o radu, broj: 04-11-13591/20 od dana 12.08.2020. godine, te donio odluku o izboru ponuđača čija je ponuda po rang-listi odmah nakon ponude najuspješnijeg ponuđača.

U postupku ocjene provedenog postupka, direktor ugovornog organa nije našao razloge, nepravilnosti, niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija za javnu nabavku u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju je nesporno da je izabrani ponuđač najbolje ocijenjen zbog **najniže cijene**, kako slijedi:

Budući da je postupkom predviđeno provođenje **e-aukcije** ista je održana dana 13.07.2020. godine sa početkom u 11:00 h.

Početna rang lista ponuđača koji su pozvani da učestvuju u e-akciji je

1.	“Mevludin- Commerc” d.o.o. Sarajevo	1588861,27 *	<i>bez pdv-a</i>
2.	“Bosman” d.o.o. Sarajevo	1608095,32 *	<i>bez pdv-a</i>
3.	Konzorcij: “Demus” d.o.o. Sarajevo i “GP Ing” d.o.o. Sarajevo	1632731,25 *	<i>bez pdv-a</i>
4.	Konzorcij: “Braća Mujić export- import” d.o.o. Sarajevo i “Beton Fresh“ d.o.o. Sarajevo	1636840,95 *	<i>bez pdv-a</i>

* Označava cijenu na koju se primjenjuje preferencijalni tretman.

E-aukcija je okončana dana 13.07.2020. godine u 11:18 h.

Po okončanju e-aukcije konačna cijena i rang lista ponuda je:

1.	Konzorcij: “Braća Mujić export- import” d.o.o. Sarajevo i “Beton Fresh“ d.o.o. Sarajevo	1343000,95 *	<i>bez pdv-a</i>
----	---	--------------	------------------

2.	Konzorcij: "Demus" d.o.o. Sarajevo i "GP Ing" d.o.o. Sarajevo	1348412,09 *	bez pdv-a
3.	"Mevludin- Commerc" d.o.o. Sarajevo	1515000,00 *	bez pdv-a
4.	"Bosman" d.o.o. Sarajevo	1531822,00 *	bez pdv-a

* Označava cijenu na koju se primjenjuje preferencijalni tretman

Izabrani ponuđač je izabran primjenjujući kriterij najniže cijene, koja je ponuđena u iznosu od 1.348.412,09 KM bez PDV-a, uzimajući u obzir da prvobitno izabrani ponuđač, iz ranije donesene Odluke o izboru najpovoljnijeg ponuđača, nije dostavio tražene dokaze u roku koji je odredio ugovorni organ.

Iz navedenih razloga, primjenom člana 64. stav 1. tačka b) i člana 72. stav (3) tačka a) Zakona o javnim nabavkama odlučeno je kao u članu 1. ove Odluke.

Pouka o pravnom lijeku:

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti:

- GRAKOP d.o.o. Kiseljak
- DEMUS d.o.o. Sarajevo
- i GP Ing. d.o.o. (konzorcij)
- BRAĆA MUJIĆ d.o.o.
- i BETON FRESH d.o.o. (konzorcij)
- MEVLUDIN COMMERC d.o.o. Sarajevo
- BOSMAN d.o.o. Kiseljak
- evidencija
- a/a

M.P.

Direktor

Selmir Kovač, dipl. ing. saob.



web: <http://dp.ks.gov.ba>
e-mail: dp@dp.ks.gov.ba;
 Tel: + 387 (0) 33 560-402, + 387 (0) 33 560-426
 Sarajevo, Hamida Dizdara 1

